

欽定盛京通志

欽定盛京通志卷之一百十九

國朝藝文五

雅

欽定盛京通志卷之一百十九

國朝藝文 五

(雅)

聖駕東巡

盛京恭謁

祖陵大禮慶成雅

有序

癸亥

劉綸

皇上御極之八載敬

天尊

祖誠民格神治具畢張大化翔洽仰惟

列聖東土肇基

陟降在庭之近俯念

皇陪京父老延頸舉踵喁喁望幸之誠迺以七月上

大旬

勅禮臣備

法駕恭謁

永陵

福陵

昭陵甚盛典也臣謹按詩誦發祥書陳觀德自昔豐功

駿烈莫不推本前徽如軒轅橋山顓頊附禹伊
耆穀林重華珠邱並足集慶垂光用存景慕至
考上陵之禮詳於炎漢之年蓋以原廟衣冠寢
園弓劍先王所爲創業垂統祠世所由優見愼
聞皆於是乎在我

朝受符

上帝

聖人首出卜世卜年奕葉重光逮我

太祖

太宗篤祐疑麻鴻圖式擴梯航所屆悉主悉臣緬維遼
海神臯實鍾王氣建邦啓宇墨食於茲固已媿
幽岐而軼豐沛

世祖定鼎自燕

留都並峙高山天作流澤孔長瞻望

龍興隩區松栢丸丸

寶城奕奕億萬禩昭假明禋之威是繼是承

祖在御時巡

親展謁隆儀疊舉所爲志敬節具者備載史書

呈上世德作求肇稱殷禮諏辰夙事有翼有虔供奉
皇太后行則侍輦居則問

安敬愛兼摯

翠華所過秋宇澄霽川原彌望百昌成遂自從官以及
侯吏遠近歡趨迺至諸藩後先輻輳周廬星拱
踰踰濟濟咸恭鞫鞠臚而進

萬壽之觴也古稱枌榆樂土詎足倫比惟時

聖衷淵穆按冊披圖於礪山帶河旼章胥集見規模
之閎遠焉於櫛風沐雨勝蹟依然見締造之艱

難焉於民物淳龐軍實整繕見古風之可愛而
本根之益固焉惟

天惟

祖宗眷念子孫臣庶畀以生成

皇上一體

天

祖之心治之是以升香瘞璧而肸蠁通舞德歌功而精

誠洽祀事既歲

垂裳當宁受羣臣朝

渙汗特頒小大稽首所以行
一人之慶所以合萬國之懽循古制也崇家法也昭
錫類也示懷柔也皇皇哉
大孝至仁備矣臣濫竽詞館夙効編摩伏觀
史成金匱之藏

先猷炳燠有驗往牒茲復以職司輿僕恭遇

和鑾清蹕道左跪迎屬在工寮並得陳詩紀盛竊未
敢以卑陋自解謹獻其辭曰

我

皇踐阼纘

列祖之德有典有則是崇是式見于

郊

廟祇祇翼翼永言孝思維

丹陵是卽

一章

天降大寶命眷時瀋陽篤生

高后肇造厥邦闡門潭潭導我三江奄有九有耆定下

土方

二章

天戈麾矣裨王撫矣閑閑禁旅陳樽俎矣業業寢成縣

皇網帝絃歸我
帝發虛矣繼繼繩繩百神是主矣

三章

皇

網帝絃歸我

聖

神四十有八部面內咸賓暨使犬使鹿冠帶侏侏

帝

曰欽哉維創守道均

四亡

裸室兮露垂

齋房兮芝茁於昭兮

佐

皇茂典兮是秩馳道兮弦開鎮山兮笏列笏列兮崔

嵬凝

景

命兮延洪哉

五章

歲建亥兮星在柳

皇繩

武兮澤單厚揚

德旌兮啟

文囿詣

璇官兮奉

聖母迎鳩杖兮拜馬首稱上瑞兮

皇則有原田每每兮長禾被畝

章六

皇帝至止封樹來雲煌煌象設氣乎如有問載羅鞮

臻載具典墳

先是列祖實錄尊藏恭繕盛京不顯

下武繼序我思文

七章

九功歌七德舞獨剛日薦清醑

闕殿峩峩三光隔戶俄朶之城謨惠之野叶醑從

龍兮訖分虎蕭薌網緼兮

皇受祐及我嘉師兮亦其福汝

八章

祠官告備迺慰迺宣曰敦本茂實維

聖所先訓練以時既精既研攷牧以時既蕃既便以

迪我四民服高曾之傳

九章

沐日浴月環滄瀛兮乾經坤絡開

上京兮井廬櫛比周原砥平兮弋山漁澤厥壤可

畊兮德產精兮萬寶成兮

十章

赫赫兮

王居洋洋兮

聖謨上賅兮雅頌下括兮京都繪天賦海兮

睿藻攄維洛宅有誥兮維邠原有圖

十一章

遂開

明堂

聖人當陽

賜醕一日

賜爵一級爾祿爾精

皇則予之爾絲爾粟

皇則復之及爾耆耆曰饋之醕之及爾園嘉曰省之

宥之

列祖之光維我

皇之慶叶時萬時億承

天之况

叶十章

聖駕東巡

盛京恭謁

祖陵大禮慶成雅

有序

癸亥

汪由敦

臣聞奉先思孝必隆報本之忱懷永圖艱必宏
述祖之典是以景員松栢藻歌商楹高山漆沮
騰軌姬籙闡祚由其卜昌釐風以之歸厚於皇
聖清倪天錫羨拓迹開統重光緝熙若水降祥之地
繞樞電而湛星虹橋山閔兆之都擁熊羆而蔭
雲物瑤臺嶢嶢外大國之幅幘皇澗瀼涵篤公